

Headlines

- प्रधानमंत्री नरेन्द्र मोदी होरें अज्ज आखेआ जे सबका साथ सबका विकास आला मंत्र गै राष्ट्र दी सेवा च उंदा मार्गदर्शन करदा आया ऐ।
- राष्ट्रपति द्रौपदी मुर्मू होर स्लोवाकिया दे अपने सफल दौरे दे बाद भारत लेई रवाना।
- हुरियत कन्नै जुड़े दे इक होर संगठन जम्मू कश्मीर मॉस मूवमेंट नै आपें गी अलगाववाद थमां बक्खरा करी लैता ऐ। एह्दे कन्नै हुरियत थमां बक्ख होने आले संगठन दे कुल गिनतरी 12 होई गई ऐ।
- किश्तवाड़ जिले दे छात्तरू आले जंगली इलाकें च होए दे टाकरे च सुरक्षाबलें इक आतंकवादी गी मारी दित्ता ऐ।
- भारतीय फौज आस्सेआ राष्ट्रीय जरनैली शिड़क एनएच-44 पर सुरक्षाबलें दी तैनाती ते चौकसी गी होर निगगर कीता गेआ ऐ।

<><><><><><>

PM Varanasi (byte)

प्रधानमंत्री नरेन्द्र मोदी होरें अज्ज वाराणसी च 3 जहार 884 करोड़ रपे मुल्लै दे 44 प्रोजेक्टें दा उद्घाटन ते नीह पत्थर रक्खेआ। इ'नें परियोजनाएं च सिड़क ढांचे, बिजली, शिक्षा ते सैलसफा मतल्लक प्रोजेक्ट शामिल न जि'दा मकसद खित्ते दे पूरे-पराते विकास गी होर रफ्तार देना ऐ। मगरा इक बड़्डी जनसभा गी संबोधित करदे होई श्री मोदी होरें शैहरा दे तेज रफ्तार विकास उप्पर लोऽ पाई ते आखेआ जे काशी हून छड़ा इतिहास दा गै प्रतीक नेई ऐ सगुआं एह् तरक्की दे इक आदर्श दे तौर उप्पर बी उभरियै सामने आया ऐ। प्रधानमंत्री होरें आखेआ जे सबका साथ-सबका विकास आह्ला मंतर गै राष्ट्र दी सेवा च सदा उंदा मार्गदर्शन करदा आया ऐ। उ'नें आखेआ

<><><><><><>

President-Slovakia Visit

राष्ट्रपति द्रौपदी मुर्मू हुंदा सलोवाकिया दा दा।रा कामयाबी कन्नै संपन्न होई गेआ ऐ। राष्ट्रपति हुंदा एह् राजकीय दौरा केई कारणें करी ऐतिहासक हा की जे एह् तकरीबन 30एं ब;रें परैंत कुसै भारतीय राष्ट्रपति हुंदी स्लोवाकिया दी यात्रा ही। आकाशवाणी संवाददाता दी जानकारी मूजब राष्ट्रपति होरें अपने दौरे दरान सलोवाकिया दे राष्ट्रपति ते प्रधानमंत्री हुंदे कन्नै प्रतिनिधिमंडल स्तर दी गल्लबात कीती। इस दरान दऊं समझौता ज्ञापनं पर बी दस्तखत कीते गे। राष्ट्रपति होरें गी कंस्टेनटाइन द फिलासफर यूनिवर्सिटी दी तरफा डाक्टरेट दी मानदेय उपाधि

कन्नै बी सम्मानत कीता गेआ। राष्ट्रपति मुर्मू होरें नमीं दिल्ली लेई रवाना होने थमां पैहले ब्रातिसलावा च भारतीय बपार मंडल दे सदस्यें कन्नै इक गल्लबात आले सत्र च बी शिरकत कीती।

<><><><><><>

HM Hurriat Group

केन्द्रीय गृहमंत्री अमित शाह होरें अज्ज आखेआ जे हुरियत कांफ्रेंस कन्ने जुड़े दे इक होर संगठन जम्मू एंड कश्मीर मॉस मूवमेंट अपने आपै गी बक्ख करी लैता ऐ, जेहदे कन्नै अलगाववाद कोला बक्ख बक्ख होए दे इनें संगठनें दी गिनतरी हुन 12 होई गेई ऐ। अपने ब्यानै च गृहमंत्री होरें आखेआ जे जम्मू एंड कश्मीर मॉस मूवमेंट गुट नै संविधान पर भरोसा जतांदे होई अलगाववाद गी खारज कीता ऐ जे भारत दी एकता दे प्रति अपनी पूरी प्रतिबद्धता जाहर कीती ऐ। गृहमंत्री होरें इस पैहलकदमी दा सुआगत करदे होई आखेआ जे एह प्रधानमंत्री नरेन्द्र मोदी हुंदे “एक भारत श्रेष्ठ भारत” दी जित्त ऐ। पिछले हफ्ते जम्मू कश्मीर इस्लामिक पोलिटिकल डेमोक्रेट लीग ते कश्मीर फ्रीडम फ्रंट नै बी जम्मू कश्मीर च हुरियत कांफ्रेंस कोला अपने आपै गी बक्ख करी लैता हा।

<><><><><><>

Poonch Property Attached

आतंकवादी ढांचे ते नार्को आतंकवाद दे खलाफ इक बड़्डी कार्रवाई करदे होई जम्मू-कश्मीर पुलसै बगेयाल धारा पुंछ दे बसनीक मोहम्मद बशीर दी 4 कनाल 15 मरले जिमीं अटैच करी दित्ती ऐ। मोहम्मद बशीर, आतंकवादी गुट शा बाहर रेइयै ओहदे लेई कम्म करने आह्ला इक ओवर ग्राउंड वर्कर ऐ। जांच दरान एह गल्ल सामने आई ऐ ओह बन्ने दे रोआर-पार नशीले पदार्थ दी तस्करी ते आतंकवादी गतिविधिएं लेई रपेआ-पैसा उपलब्ध करोआने दे कम्में च मलव्वस हा। अदालत दे हुक्मै परैन्त ओहदे खलाफ एह कार्रवाई कीती गेई ऐ। अधिकारिएं आखेआ ऐ जे इस कार्रवाई दा मकसद प्रदेश च आतंकवादी नेटवर्क गी थोने आहली माली मदाद गी रोकना ते आतंकवाद दा समूलचा नास करना ऐ।

<><><><><><>

Baisakhi Mela

जम्मू च तवी रीवर फ्रंट आहली थाहर औंदी 13 अप्रैल गी आयोजित कीते जाने आहले बसाखी मेले ते तवी आरती लेई तैयारियां जोरें-शोरें कन्नै चलै करदि'आं न। इस कार्यक्रम दरान आस्था, संगीत ते सांस्कृतिक जश्न दा मेल दिक्खने गी लब्भोग। जल शक्ति विभाग दे कमिशनर शालीन काबरा ते जम्मू स्मार्ट सिटी दे मुख्ख कार्यकारी अधिकारी देवांश यादव होरें इस सरबंघै च कीती जा'रदी तैयारिएं दा जायजा लैता। मुकामी लोकें ते सैलानिएं बी इस रंगारंग सांस्कृतिक उत्सव च हिस्सा लैने दी हीखी लाई दी ऐ।

<><><><><><>

Chowgan Beautification(byte)

किश्तवाड़ दे डिप्टी कमिशनर राजेश कुमार शवन होरें ऐतिहासिक चौगान मैदान दा व्यापक निरीक्षण करियै एह्दी खूबसूरती ते सांस्कृतिक महत्व च बाददा करने मतल्लक महत्वपूर्ण निर्देश जारी कीते। उ'नें चौगान मैदान दा छलैपा बधाने आहले कम्में गी तेजिआ कन्नै तोढ़ चाढ़ने लेई आखेआ ऐ। एह्दे अलावा उ'नें छड़े ओकड़े मवेशिएं गी गै मैदान दे अंदर घाह चरने लेई औन लेई दे बी निर्देश दित्ते न जि'दे मालकें कश एह्दे लेई वैध परमिट होग। डिप्टी कमिशनर होरें किश्तवाड़ विकास प्राधिकरण ते मुंसिपल काउंसल गी बी हुक्म रसाल कीता ऐ जे ओह चौगान मैदान गी लेइयै साफ-सफाई सरबंधी उच्चे मानक स्थापित करन। इस सरबंधै च होर जानकारी सांझी करदे होई डिप्टी कमिशनर राजेश कुमार शवन होरें गलाया

<><><><><><>

Kishtwar Terrorist Killed

किश्तवाड़ जिले दे छात्तरू आहले जांगली इलाके च होए दे इक टाक्करे च सुरक्षाबलें इक आतंकवादी गी मारी-मुकाया ऐ। आकाशवाणी दे जम्मू संवाददाता दी रिपोर्ट मूजब, हासल होई दी इक पक्की सूह दी बिनाह उप्पर कार्रवाई करदे होई सुरक्षाबलें आसेआ जंदी 9 अप्रैल गी छात्तरू आहले जंगलें च सांझे तौर उप्पर तपाशी ते घेराबंदी अभियान रम्मेआ गेआ। उस्सै दिन चिरें सं'ज्ञां आतंकवादिएं कन्नै टाक्करा होआ। फौज दी व्हाइट नाईट कोर नै सोशल मीडिया मंच – एक्स पर सांझी कीती गेदी इक जानकारी च दस्सेआ जे सुरक्षाबलें दी इस कार्रवाई दरान इक आतंकवादी गी मारी-मुकायी दित्ता गेआ ऐ। फौज नै आखेआ ऐ जे करठन ते फ्हाड़ी इलाका होने दे बावजूद सुरक्षाबलें दे जवानें, पूरे तगड़ेयाई कन्नै अपना अभियान बरोबर जारी रखे दा ऐ।

<><><><><><>

Ramban Security (byte)

जम्मू संभाग ते उधमपुर ते किश्तवाड़ जिलें च आतंकवादिएं कन्नै होए दे टाक्करें दी पच्छोकड़ै च फ्हाड़ी जिले रामबन च बी सुरक्षा बवस्था निगगर करी दित्ती गेई ऐ। आतंकवादिएं दे भैड़े मन्सूबें गी नाकाम बनाने दे मकसद कन्नै रामबन जिले च बक्ख-बक्ख थाहरें उप्पर बशेश नाके स्थापित कीते गे न। जम्मू-कश्मीर पुलसै सुरक्षा बवस्था तगड़ी करी दित्ती ऐ ते कुसै बी आतंकवादी हमले दी सूरतै च कार्रवाई लेई पूरी तैयारी करी लैती दी ऐ। इस सरबंधै च होर जानकारी दि'दे होई रामबन दे एसएसपी कुलबीर सिंह होरें दस्सेआ

<><><><><><>

Army Surveillance

भारती सेना आतंकवा रसद रोकने लेई राश्ट्री जरनैली शिड़क-44 उप्पर अपनी तैनाती ते निगरानी गी तेज करारदी ऐ तां जे आतंकवादिएं दी हलचल च खेत्तर च नेई होई सकै। जम्मू-कश्मीर पुलस कन्नै रलियै मती सारी थाहरें उप्पर सांझ मोबाइल वाहन जांच चौकी स्थापित कीती गेइयां न। आर्टिफिशल इंटेलीजेंस उप्पर आधारित

आधुनिक वाहन स्कैनर, Facial recognition ते Identification system ते Automatic number plate recognition सिस्टमें गी मुख्य थाहरें, चौक-चौराहें ते स्थापित कीते गेन। श्रीलंका दे राष्ट्रपति अनुरा कुमारा दिशानायके होरें प्रधानमंत्री मोदी होरें गी मित्रा विभूषण पुरस्कार कन्नै सम्मानित कीता। श्रीलंका दे राष्ट्रपति होरें इस गल्लै गी फही पक्का कीता जे उंदा देश अपने खेत्तर दा इस्तेमाल भारत दी सुरक्षा जां खेत्तरी स्थिरता दे खलाफ कुसै बी चाल्ली कन्नै नेई होन देग।

<><><><><><>

Rajouri Sports Meet (byte)

जिला इंतजामिया रजौरी आसेआ रजौरी दिवस आहले समारोहें दे सरबंघै च अज्ज जिले दे मिनी स्पोर्ट्स स्टेडियम च मनोरंजक खेड्डें आहले इक कार्यक्रम दा आयोजन कीता गेआ। 7एं दिनें तोहड़ी चलने आहले इ'नें खेड्ड मुकाबलें दा आयोजन रजौरी दे सिविल समाज दे सैहयोग कन्नै कीता जा'रदा ऐ। जिले दे 14 सरकारी स्कूलें दे विद्यार्थिएं बक्ख-बक्ख खेड्ड मुकाबलें च हिस्सा लैता। रजौरी दे अतिरिक्त जिला विकास कमिशनर राज कुमार होरें कार्यक्रम दा उद्घाटन कीता ते आखेआ जे नेह कार्यक्रम ओकड़े शहीदें दी सुच्ची-सम्हाला च आयोजित कीते जंदे न जि'नें 13 अप्रैल सन् 19 सौ 48 गी पाकिस्तानी हमलावरें थमां रजौरी गी मुक्त करोआने लेई सर्वोच्च बलिदान दित्ता हा। उ'नें आखेआ

<><><><><><>

Rajouri Livestock Loss

गुज्जर जाट कांफ्रेंस नै रजौरी जिले दे कालाकोट इलाके च होए दे खानाबदोश लोकें दे मवेशिएं दे जानी नुक्सान उप्पर दूहंगा दुख ते बसोब बुज्झेआ ऐ। गुज्जर जाट कांफ्रेंस दे प्रधान मुंशी खान कसाना होरें सरकार अगो मंग्ग कीती ऐ जे ओह प्रभावत लोकें गी इस नुक्सान दा मुआवजा देऐ। उ'नें आखेआ ऐ जे खानाबदोश लोक, अपने माल-बच्छे पर गै निर्भर हुंदे न ते हून माल-बच्छे दा नुक्सान होई जाने परैन्त उ'दे कश औंदन दा बी कोई जरिया नेई रेई गेआ ऐ।

<><><><><><>